

«Հասարակական այս նոր երևույթը ամեն գրավական ունի լայն ծավալ ստանալու. նրա հետևանքները դրական կլինեն թե գրակա-նության և թե հասարակության համար»: Այնուհետև՝ «Ամենախիստ և միակողմանի քննադատությունն անգամ կունենա իր բարերար հետևանքը. նոր սերունդը գիտակցաբար կը լծվի հայ պատմության անիվին, ինչ որ մի կողմից կվերացնի լքումը և տարտամությունը հասարակության կենդանի տարրի միջից, մյուս կողմից վստահու-թյուն կկերշնչի նորերի զգացումին, մտքին ու կամքին: Գրական այս շարժումը մենք համարում ենք վերածնության սկիզբն և բեկման կետը հայ մտքի և զգացումի պատմության մեջ»:

Անվանի քննադատի այս դիտողությունները մեկ անգամ ևս հաստատում են, որ գրական վերածննդի շարժումը 20-րդ դա-րասկզբին համազգային մշակույթի փաստ էր: Այս տեսակետից՝ հայ գրականության, ինչպես նաև գրական քննադատության եր-կու հատվածների շահագրգռվածությունները, պատմականորեն ձևավորված ինչ-ինչ տարբերություններով հանդերձ, իրենց նա-խադրյալներով ու հեռանկարներով միասնական էին:

Էսայան սանուց միության ջանքերով կազմակերպված Պոլսի այս ասուլիսներին այսօրվա սերունդը ծանոթ է առավելապես գիտական գրականությունից՝ առանց անմիջականորեն շփված լինելու սկզբնաղբյուրների հետ: Այս գիրքը նպատակ ունի լրաց-նելու այդ բացը:

Ինչ վերաբերում է ներկայացվող առաջաբանին, մեր նպա-տակը չի եղել ասուլիսներում հնչած բոլոր ելույթների համակող-մանի քննությունը, մասնավորապես դրանց բոլոր աղերսների լուսաբանումը ժամանակի եվրոպական գեղագիտական ուղղու-թյունների հետ, առաջադրված տեսակետների քննական վերլու-ծությունը գեղարվեստական նյութի համադրմամբ և այլն: Այդ ամենը ժողովածուն ընթերցողների, մասնավորապես երիտա-սարդ գրականագետների խնդիրն է: Համառոտակի ծանոթաց-նելով ասուլիսների բովանդակությանը՝ փորձել ենք միայն օգնել նրանց իրենց ապագա ուսումնասիրությունների ընթացքում՝ ար-դեն մերօրյա համաշխարհային գրական մտքի համատեքստում:

ԼԱՐԻՍԱ ՄՆԱՅԱԿԱՆՅԱՆ